

四庫未收書輯刊編纂委員會編

四庫未收書輯刊

北京出版社

陸輯・陸冊

四庫未收書輯刊

四庫未收書輯刊編纂委員會編

北京出版社

〔清〕陳鶴撰

明紀六十卷・之一

清同治十年江蘇書局刻本

陸輯・陸冊目錄

明紀六十卷・之一
〔清〕陳鶴撰

一

〔清〕陳鶴撰

明紀六十卷・之一

清同治十年江蘇書局刻本

明紀

同治十年辛未
江蘇書局校刊

史分紀傳編年二體而紀傳為正史
晉書以後或奉敕或表上或詔取皆
官書編年之名亦有二曰鑑曰紀鑑
如溫公資治通鑑李鑑長編亦皆
官書鑑之表如陳王薛洪家願不與
迨國朝康熙乾隆中

御批通鑑綱目

御批通鑑輯覽

御定通鑑綱目三編先後頒行惟
欽定明鑑未出而鑑之為官書也
正史皆於一時學者於年氏續通鑑
頗有異議錢竹汀序子夏語之編
傳者托序序意固有在而稱序但
志刊刻如未不之撰述之旨為以證之

良是于謂士末紀傳編年書只有本
人自序而所援心馬班沈李紀傳之
例偏而不采知此為近詞也正紀則
創自荀氏亦更詔為之袁氏以下有
年紀大紀大事紀小紀之類多私家
纂述非通鑑之比矣元和陳工部穆
子先生學宗宋儒以躬行實踐為師

貧而志道官有部不受印結黃同時
顧南強通以此以理學名堂以稱
顯其高先生曰有意為之邪無意為
之邪通以明義然立撤之義桂門初
續之宋六快中多至鄉巷皆闢出之
什材今見輯郡志以其之必能傳位
極錄頗多而先生一生精力所注則

在明紀一書原在正史而參以王氏家
此分說部野史間有采摭必多謬誤
實而後著之凡新異說証之說置不
錄於三百年禮樂刑政治義成敗忠
邪是非之故瞭如指掌不愧良史攷
苟紀在班後此班書小有增換移
易袁紀在范前綴會謝承張璠等

考自出暨裁是考體例一如苟紀而
苟紀在范前綴會謝承張璠等
也其人嘗言苟氏論多純正袁氏論
多放縱先生書雖不加論而決
擇其取之間一歸純正不致放縱人
二一術六於此可見宋蔡氏正堂續
溫公稽古錄論者謂正非端士故

於論不及溫公是史才有出於三長
之外者觀於先生書益信書凡六
十卷先生手輯至五十有二卷而卒
後一卷文孫中書續成之謹此一乘
先生之式恭攷
御批通鑑輯覽分注福王年號而店
桂二王則別綴考後顯示正則其楊

氏陸崇三陸紀事本末並列者不
同今於福王平考於店桂低一格正
合輯覽依情中書為入情史武華
方其亦申之難孤怪謬莫遺書付
以函海士族人初撰其書怪謬實甚
謀於中書故人吳平齊觀察以若
千金烟之書如完年仲蘇州中局補

刻通鑑續通鑑既竣觀察以其間
亡於前據年書順丁公曰刻是
書即兩序紀兩謂綱錄上六數子年
間假君相據其家直後學刻一書
一集之以去其拙按俞氏南編修亦
從惠之遂開雕踰年告成今據軍
南安張公謂先生於桂參為鄉先該

五

宜方之序桂參不敢援鈔為之以為
藉而但志刊刻如未不立撰述之旨
則殆是為之之意云

同治十年夏六月吳縣河村參序



明紀目錄

卷第一

太祖紀一 起元至正十一年辛卯元至正十二年壬辰未
太祖用韓林兒年號稱龍鳳元年卷訖于
元至正二十三年癸卯即龍鳳九年也

卷第二

太祖紀二 起元至正二十四年甲辰至正二十七年丁未
太祖稱吳元年二十八年戊申太祖稱洪武元
年國號明

卷第三

太祖紀三 起洪武二年己酉訖洪
武八年乙卯凡七年

卷第四

太祖紀四 起洪武九年丙辰訖洪
武十六年癸亥凡八年

明紀目錄

卷第五

太祖紀五 起洪武十七年甲子訖洪
武二十三年庚午凡七年

卷第六

太祖紀六 起洪武二十四年辛未訖洪
武三十一年戊寅凡八年

卷第七

惠帝紀 起建文元年己卯訖建
文四年壬午凡四年

卷第八

成祖紀一 起永樂元年癸未訖永
樂六年戊子凡六年

卷第九

成祖紀二 起永樂七年己丑訖永
樂十四年丙申凡八年

卷第十

成祖紀三	起永樂十五年丁酉訖永樂二十二年甲辰凡八年
卷第十一	
仁宗紀	起洪熙建元乙巳正月訖是年十二月凡一年
卷第十二	
宣宗紀	起宣德元年丙午訖宣德十年乙卯凡十年
卷第十三	
英宗紀一	起正統元年丙辰訖正統八年癸亥凡八年
卷第十四	
英宗紀二	起正統九年甲子訖正統十四年己巳失位凡六年
卷第十五	
景帝紀一	起景泰元年庚午訖景泰三年壬申凡三年
明紀目錄	
卷第十六	
景帝紀二	起景泰四年癸酉訖景泰七年丙子凡四年
卷第十七	
英宗後紀	起天順元年丁丑訖天順八年甲申凡八年
卷第十八	
憲宗紀一	起成化元年乙酉訖成化七年辛卯凡七年
卷第十九	
憲宗紀二	起成化八年壬辰訖成化十五年己亥凡八年
卷第二十	
憲宗紀三	起成化十六年庚子訖成化二十三年丁未凡八年
卷第二十一	

孝宗紀一	起弘治元年戊申訖弘治六年癸丑凡六年
卷第二十二	
孝宗紀二	起弘治七年甲寅訖弘治十二年己未凡六年
卷第二十三	
孝宗紀三	起弘治十三年庚申訖弘治十八年乙丑凡六年
卷第二十四	
武宗紀一	起正德元年丙寅訖正德四年己巳凡四年
卷第二十五	
武宗紀二	起正德五年庚午訖正德八年癸酉凡四年
卷第二十六	
武宗紀三	起正德九年甲戌訖正德十二年丁丑凡四年
明紀目錄	
卷第二十七	
武宗紀四	起正德十三年戊寅訖正德十六年辛巳凡四年
卷第二十八	
世宗紀一	起嘉靖元年壬午訖嘉靖三年甲申凡三年
卷第二十九	
世宗紀二	起嘉靖四年乙酉訖嘉靖七年戊子凡四年
卷第三十	
世宗紀三	起嘉靖八年己丑訖嘉靖十二年癸巳凡五年
卷第三十一	
世宗紀四	起嘉靖十三年甲午訖嘉靖十八年己亥凡六年
卷第三十二	

世宗紀五	起嘉靖十九年庚子訖嘉靖二十四年乙巳凡六年
卷第三十三	
世宗紀六	起嘉靖二十五年丙午訖嘉靖二十九年庚戌凡五年
卷第三十四	
世宗紀七	起嘉靖三十年辛亥訖嘉靖三十四年乙卯凡五年
卷第三十五	
世宗紀八	起嘉靖三十五年丙辰訖嘉靖四十年辛酉凡六年
卷第三十六	
世宗紀九	起嘉靖四十一年壬戌訖嘉靖四十五年丙寅凡五年
卷第三十七	
穆宗紀一	起隆慶元年丁卯訖隆慶三年己巳凡三年
明紀目錄	
卷第三十八	
穆宗紀二	起隆慶四年庚午訖隆慶六年壬申凡三年
卷第三十九	
神宗紀一	起萬曆元年癸酉訖萬曆五年丁丑凡五年
卷第四十	
神宗紀二	起萬曆六年戊寅訖萬曆十年壬午凡五年
卷第四十一	
神宗紀三	起萬曆十一年癸未訖萬曆十四年丙戌凡四年
卷第四十二	
神宗紀四	起萬曆十五年丁亥訖萬曆十九年辛卯凡五年
卷第四十三	

神宗紀五	起萬曆二十年壬辰訖萬曆二十三年乙未凡四年
卷第四十四	
神宗紀六	起萬曆二十四年丙申訖萬曆二十七年己亥凡四年
卷第四十五	
神宗紀七	起萬曆二十八年庚子訖萬曆三十二年甲辰凡五年
卷第四十六	
神宗紀八	起萬曆三十三年乙巳訖萬曆三十七年己酉凡五年
卷第四十七	
神宗紀九	起萬曆三十八年庚戌訖萬曆四十二年甲寅凡五年
卷第四十八	
神宗紀十	起萬曆四十三年乙卯訖萬曆四十八年庚申七月凡六年
明紀目錄	
卷第四十九	
光宗紀一	起泰昌元年庚申八月訖十二月凡五月
卷第五十	
熹宗紀一	起天啟元年辛酉訖天啟三年癸亥凡三年
卷第五十一	
熹宗紀二	起天啟四年甲子訖天啟七年丁卯凡四年
卷第五十二	
莊烈紀一	起崇禎元年戊辰訖崇禎三年庚午凡三年
卷第五十三	
莊烈紀二	起崇禎四年辛未訖崇禎七年甲戌凡四年
卷第五十四	

莊烈紀三 起崇禎八年乙亥訖崇禎十年丁丑凡三年

卷第五十五

莊烈紀四 起崇禎十一年戊寅訖崇禎十三年庚辰凡三年

卷第五十六

莊烈紀五 起崇禎十四年辛巳訖崇禎十五年壬午凡二年

卷第五十七

莊烈紀六 起崇禎十六年癸未訖崇禎十七年甲申三月凡二年

卷第五十八

福王始末

卷第五十九

唐王始末

明紀目錄

卷第六十

桂王始末

六

明紀卷第一

聖主出聖都懷柔廣府府志陳襲 卽贈府志給雲路 卽贈府志給雲路 卽贈府志給雲路

太祖用韓林兒年號稱龍鳳元年卷訖于

元至正二十三年癸卯卽龍鳳九年也

太祖開天行道肇紀立極大聖至神仁文義武俊德成功高皇

帝諱元璋字國瑞姓朱氏先世家沛徙句容再徙泗州父世珍

始徙濠州之鍾離母陳氏生四子太祖其季也以元天曆元年

九月丁丑生其夕室中有光燭天自是夜數有光起比長姿貌

雄傑奇骨貫頂志意廓然人莫能測元至正四年大饑疫父母

兄相繼沒貧無所依入皇覺寺爲僧尋游食合肥歷光固汝潁

諸州崎嶇三載復還寺其明年台州方國珍倡亂海上時天下

明紀卷一

承平有司憚於用兵一意招撫又三年潁州劉福通蕭縣李二

羅田徐壽輝等兵起初樂城韓山童自祖父以白蓮會燒香惑

眾山童鼓妖言謂天下當大亂彌勒佛下生河南江淮間愚民

多信之福通與其黨復說言山童宋徽宗八世孫當主中國殺

白馬黑牛誓告天地欲同起兵爲亂事覺有司捕之急福通遂

反陷潁州而山童爲吏所得伏誅子林兒逃武安山中至正十

一年五月也福通據朱臯破羅山上蔡真陽碓山又破汝寧府

息州光州眾至十萬李二號芝蔴李亦以燒香聚眾與彭大趙

均用攻陷徐州壽輝與鄒普勝亦以妖術聚眾爲亂陷蘄水縣

及黃州路時所在蠭起多以紅巾爲號人皆謂之紅軍亦稱香

軍十月壽輝僭稱皇帝卽斬水爲都國號天完建元治平以鄒

普勝爲大師定遠人郭子興者家富饒任俠喜賓客見天下方亂散家貲與壯士相結

十二年春二月集少年數千人襲據濠州徐壽輝連陷湖廣江西諸郡縣時太祖年二十五謀避兵卜於神去雷皆不吉乃曰得毋當舉大事乎再卜之吉太祖大喜閏三月甲戌朔入濠州門者疑爲謀執以告子興子興奇其狀貌解縛與語雷帳下爲十夫長數從戰有功子興喜其次妻張氏亦指目太祖曰此異人也秋九月妻以所撫馬公女是爲孝慈高皇后始子興同起事者孫德崖等四人各稱元帥不相下四人者驕而慈日剽掠子興意輕之四人不悅子興多家居不視事太祖乘間說曰彼日益合我日益離久之必爲所制子興不能從元右

明紀卷一

二

丞相脫脫復徐州李二走死彭大趙均用帥餘眾奔濠德崖等以其故盜魁有名共推奉之使居己上大有智數子興禮之而易均用德崖等諸諸均用曰子興知有彭將軍耳不知有將軍也均用怒伺子興出執而械諸德崖家將殺之時太祖方在淮北聞難馳至訴於大大曰吾在孰敢魚肉而翁者呼兵以行太祖亦甲而擁盾發屋出子興使人負以歸遂免冬元將賈魯月哥察兒等圍濠州乃釋故憾共守

十三年春賈魯卒圍解大均用皆自稱王太祖收里中兵得七百人徐達湯和陸仲亨等率先歸附子興以太祖爲鎮撫達濠人少有大志長身高顙剛毅武勇與太祖一見語合時年二十二未幾大死子早住領其眾夏五月泰州張士誠兵起有眾

萬餘元以萬戶告身招之不受襲據高郵自稱誠王國號大周建元天祐方國珍請降於元浙東行省都事劉基言國珍首逆數降數叛不誅無以懲後國珍懼使人潛至京師賂諸權貴冬十月元授國珍徽州路治中責基擅威福羈管紹興國珍愈橫時彭趙所部暴橫子興弱太祖度無足與共事乃以兵屬他將獨與徐達等二十四人南略定遠聞張家堡有民兵號驢牌寨者無所屬太祖偕費聚往招之已定約其帥欲他屬太祖復偕聚往計縛其帥收卒三千聚又招降秦把頭得八百餘人十四年太祖引兵趨定遠縣人毛驥扶令出降太祖喜畱與飲食籌兵事悉當意初定遠人繆大亨糾義兵爲元攻濠不克元兵潰大亨獨以眾二萬人與張知院屯橫澗山固守月餘太

明紀卷一

三

祖以計夜襲其營破之大亨與子走免比明復收散卒列陳以待太祖遣其叔貞諭降之命將所部以從太祖略地至妙山馮國用與其弟勝來歸見其被服儒雅奇之詢天下大計國用對曰金陵龍蟠虎踞帝王之都先拔之以爲根本然後四出征伐倡仁義收人心勿貪子女玉帛天下不足定也定遠人李善長者少讀書有智計習法家言策事多中太祖道遇之知其爲里中長者畱掌書記從容問曰四方戰鬪何時定乎對曰秦亂漢高起布衣豁達大度知人善任不嗜殺人五載成帝業今元綱旣紊天下土崩瓦解公濠產距沛不遠山川王氣公當受之法其所爲大業可成也太祖皆善之陸仲亨取大柳樹諸寨鄭遇霖取鐵佛岡三汊河諸寨趙德勝取全椒後河諸寨徐達

等破元兵於滁州淵將至滁州太祖帥數騎前行花雲從猝遇敵兵數千雲舉鉞翼太祖拔劍躍馬衝陳而進敵驚曰此黑將軍勇甚不可當兵至遂克滁州滁人范常杖策謁軍門太祖夙知其名與語意合畱置幕下有疑輒問常悉以實對趙均用專狠益甚挾郭子興攻盱眙泗州必欲殺之太祖已取滁遣人說均用曰大王窮迫時郭公開門延納德至厚也大王不能報反聽細人言圖之自翦羽翼失豪傑心竊爲大王不取且其部曲猶厭殺之得無貽後悔乎均用聞太祖兵甚盛心憚之太祖又使人賂其左右子興由是得免帥所部萬人就太祖於滁子興至滁欲自王太祖曰滁四面皆山舟楫商旅不通非可旦夕安者子興乃已子興中譏言稍奪太祖兵柄太祖事子興

明紀卷一

四

愈謹將士有所獻孝慈皇后輒以遺子興又欲奪李善長自輔善長固謝弗往太祖深倚之冬十月元脫脫大敗張士誠於高郵分兵圍六合太祖曰六合破滁且不免與耿再成軍瓦梁壘救之力戰度不敵引還元兵尋大至太祖設伏淵側令再成誘敵敗之乃還所獲馬遣父老具牛酒謝元將曰守城備他盜耳奈何舍巨寇戮良民元兵引去太祖以四方割據戰爭無虛日命范常爲文禱於上帝曰今天下紛紜生民塗炭不有所屬物類盡矣儻元祚未終則羣雄當早伏其辜某亦在羣雄中請自某始若已厭元德有天命者宜歸之無使斯民久貼危苦太祖兄子文正姊子李文忠來歸撫文忠爲子令從己姓脫脫數敗士誠圍高郵驍其外城城且下會元帝信讒

言解脫脫兵柄削官爵以他將代之士誠乘閒奮擊元兵潰走江淮亂益熾

十五年春正月子興用太祖計遣張天祐等拔和州兵不戢范常言於太祖曰得一城而使人肝腦塗地何以成大事會子興命太祖統諸將鎮守其地太祖知諸將皆等夷莫肯爲下乃祕子興檄期旦日會廳事時席尙右諸將先入皆踞右太祖故後至就左比視事剖決如流諸將瞠目不能發一語始稍稍屈議分工甃城期三日太祖工竣諸將皆後於是始出檄南面坐曰奉命總諸公兵今甃城皆後期如軍法何諸將惶恐謝乃搜軍中所掠婦女縱還家民大悅元兵屯新塘高望雞籠山絕和州饒道太祖率眾破之元兵知太祖出襲和州李善長設伏敗

明紀卷一

五

之元兵皆走渡江太祖威名日盛諸將來歸者善長察其材言之太祖復爲太祖布款誠使皆得自安有以事力相齟齬者委曲爲調護湯和長太祖三歲獨奉約束惟謹二月劉福通物色韓林兒得諸碭山夾河迎至亳僭稱皇帝國號宋建元龍鳳治宮闕以林兒母楊氏爲皇太后杜遵道盛文郁爲丞相福通及羅文素平章政事劉六知樞密院事遵道寵用事福通疾之命甲士搃殺遵道自爲丞相加太保事權一歸福通孫德崖饑就食和州太祖納之子興聞怒甚夜至和德崖引去前營已發德崖面視後營而其軍與子興軍鬪多死者子興執德崖鎖其頸與之飲酒問太祖亦爲德崖軍所執大驚立遣徐達往代太祖縱德崖還德崖軍釋太祖達亦獲免子興憾德崖甚將

甘心焉以太祖故疆釋之邑邑不樂三月發病卒歸葬滁州
韓林兒檄郭天敘爲都元帥張天祐太祖爲左右副元帥天敘
子興子也 常遇春來歸遇春懷遠人貌奇偉勇力絕人猿臂
善射初從劉聚爲盜察聚終無成歸太祖於和陽未至困臥田
間夢神人披甲擁盾呼曰起起主君來驚寤而太祖適至卽迎
拜無何自請爲前鋒太祖曰汝特饑來就食耳吾安得汝留也
遇春固請太祖曰俟渡江事我未晚也太祖謀渡江無舟楫初
巢人俞廷玉及其子通海通源通淵廖永安及其弟永忠結寨
巢湖有水軍千艘數爲廬州左君弼所窘夏五月遣通海間道
歸太祖太祖大喜親往拔其軍元中丞蠻子海牙扼銅城關馬
場河諸隘瀕河惟一港可通亦久涸水軍不得出會天大雨水

明紀卷一

六

深丈餘太祖喜曰天助我也引舟出江至和陽遂擊海牙於峪
溪口元兵駕樓船不利進退巢湖諸將皆長於水戰操舟若飛
再戰再破元兵始定計渡江諸將請直趨集慶太祖曰取集慶
必自采石始采石重鎮守必固牛渚前臨大江彼難爲備可必
克也六月乙卯發江口廖永安舉帆請所向命直趨牛渚西北
風方驟頃刻達岸元兵陳磯上舟距岸三丈餘莫能登遇春飛
舸至太祖麾之前遇春應聲奮戈前敵接其戈乘勢躍而上大
呼跳蕩元軍披靡拔之采石兵亦潰緣江諸壘悉附諸將以和
州饑爭取資糧謀歸太祖謂徐達曰渡江幸捷若舍而歸江東
非我有也乃悉斷舟纜放急流中謂諸將曰太平甚近當與公
等取之遂乘勝拔太平李善長預書榜禁士卒剽掠城下卽揭

之通衢有卒違令斬以徇軍中肅然執元萬戶納哈出總管靳
義赴水死太祖曰義士也禮葬之改太平路曰太平府置太平
興國翼元帥府自領府事以李善長爲都事汪廣洋爲令史召
陶安參幕府事潘庭堅爲帥府教授又命馮國用典親兵李習
爲太平知府是役也達與遇春皆爲軍鋒冠 時太平四面皆
元兵右丞阿魯灰中丞蠻子海牙等嚴師截姑孰口民兵元帥
陳瑄先水軍帥康茂才以數萬眾攻城太祖遣徐達等逆戰別
將潛出其後來擊之湯和流矢中左股拔矢復鬪與諸將破禽
瑄先并降其眾阿魯灰等引去 俞通海等徇下諸屬縣攻蕪
湖鄭遇霖戰死弟遇春領其眾 徐達取溧陽常遇春守之達
又取溧水 秋九月郭天敘張天祐等攻集慶路陳瑄先叛二

明紀卷一

七

人皆戰死瑄先尋爲民兵所殺從子兆先收其眾屯方山康茂
才移戍采石與海牙犄角以窺太平 冬十二月壬子朔釋納
哈出北歸 元師大敗劉福通於太康進圍亳州福通以韓林
兒走安豐 淮東饑張士誠遣弟士德由通州渡江入常熟
是歲太祖稱龍鳳元年
十六年春正月倪文俊建僞都於漢陽迎徐壽輝據之 二月
張士德陷平江湖州松江常州諸路改平江路爲隆平府士誠
自高郵來居之 時將士妻子輜重皆在和州元蠻子海牙以
舟師據采石道中梗丙子太祖自將攻之選驍勇王銘等爲奇
兵常遇春多張疑兵分敵勢戰方合銘率敢死士大譟突之遇
春操輕舸衝海牙軍爲二左右縱擊大敗之盡得其舟江路復

通 三月癸未進兵方山禽陳兆先降其眾三萬六千人皆疑懼不自保太祖擇驍健者五百人為親軍宿衛帳中悉屏舊人獨留馮國用侍榻側太祖酣寢達旦眾心始安庚寅攻集慶國用帥五百人先登陷陳敗元兵於蔣山元行臺御史大夫福壽嬰城固守城破猶督兵巷戰或勸之遁叱而射之遂死於兵參政伯家奴達魯花赤達尼達思等皆戰死蠻子海牙遁歸張士誠康茂才降太祖入城召官吏父老論之曰元政瀆擾干戈並起我來為民除亂耳其人安堵如故賢士吾禮用之舊政不便者除之吏毋貪暴殃吾民民大喜過望改集慶路為應天府置天興翼統軍大元帥府辟夏煜孫炎楊憲等十餘人用之並置上元江寧二縣葬御史大夫福壽以旌其忠 丁酉徐達帥諸

明紀卷一

八

軍東攻鎮江顧成與勇士十人轉闕入城被執十人皆死成躍起斷縛仆持刀者脫歸導眾攻城拔之元守將段武平章定定戰死是役也太祖數諸將不戢下陽怒欲置之法李善長力救得解乃命達為大將丁寧遣之達號令明肅城中晏然以鎮江為江淮府沐英守之英太祖義子也號周舍時太祖多蓄義子周舍道舍馬兒柴舍真童金剛奴也先買驢潑兒保兒之屬至二十餘人道舍何文輝也馬兒徐司馬也柴舍朱文剛也保兒平安也攻下郡邑輒遣之偕諸將分守 徐達之將發也太祖謂之曰聞有秦元之者才器老成汝當詢訪致吾欲見意元之元行臺侍御史秦從龍也達下鎮江訪得之太祖命朱文正李文忠奉金綺造廬聘焉從龍與妻俱來太祖自迎之龍江時太

祖居富民家因邀從龍同處朝夕訪以時事已卽元御史臺為府居從龍西華門外事無大小悉與之謀嘗以筆書漆簡問答甚密左右皆不能知從龍薦故温州教授陳遇太祖發書以伊呂諸葛為喻既至雷參密議日見親信 元復以海道萬戶招方國珍國珍復降於元國珍初作亂元出空名宣敕數十道募人擊賊海濱壯士多應募立功所司邀重賄不與敕有一家數人死事卒不得官者而國珍之徒一再招諭皆至大官由是民慕為盜從國珍者益眾 夏六月乙丑鄧愈帥華高等徇廣德路元守將嚴兵城下高以數騎挑戰不動高衝擊大破之遂克其城以為廣興府使愈及邵成守之 乙亥遣楊憲通好於張士誠其書曰昔隗囂稱雄於天水今足下亦擅號於姑蘇事勢

明紀卷一

九

相等吾深為足下喜睦鄰守境古人所貴竊甚慕焉自今信使往來毋惑讒言以生邊釁士誠得書雷憲不報 秋七月己卯朔太祖為吳國公置江南行中書省自總省事以李善長宋思顏為參議李夢庚郭景祥等數十人皆為省僚軍機進退賞罰章程多決於善長時又置行樞密院亦太祖自領之朱文正同僉院事又置帳前都指揮使司左右前後中翼元帥府五部都先鋒省都鎮撫司理問所提刑按察司兵馬指揮司營田司辛巳張士誠遣舟師攻鎮江徐達敗之於龍潭太祖遣達及湯和攻常州士誠兵來援達以敵狡而銳未易力取乃離城設二伏以待別遣將王均用為奇兵而自督軍戰敵退走遇伏大敗之獲其張湯二將 初郭天敘戰死韓林兒以其弟天爵為中